

HELAIAN PENDEDAHAN PRODUK	Etiqua General Takaful Berhad (“Kami”)
Baca Helaiian Pendedahan Produk ini sebelum anda memutuskan untuk menyertai Takaful PesonaLady . Pastikan juga anda membaca terma-terma dan syarat-syarat am.	Takaful PesonaLady Tarikh : 01/03/2024

1. Apakah produk ini?

Produk ini memberi faedah perlindungan kemalangan diri, penyakit-penyakit kanser yang berkaitan dengan wanita serta perlindungan terhadap jenayah di dalam satu pelan komprehensif.

2. Apakah konsep-konsep Syariah yang digunakan?

Wakalah

Produk ini menggunakan konsep wakalah (perwakilan), di mana para peserta melantik kami untuk bertindak bagi pihak mereka untuk melabur dan menguruskan Dana Takaful Am (Dana). Para peserta juga bersetuju untuk memberikan kuasa kepada kami untuk mewakili hak, tanggungjawab dan kewajipan kepada mana-mana pihak ketiga sebagaimana yang dianggap sesuai oleh kami bagi mencapai objektif untuk melabur dan menguruskan Dana tersebut dengan syarat, bagi perwakilan ini, kami akan tetap bertanggungjawab terhadap semua hak, tanggungjawab dan kewajipan terhadap para peserta. Sebagai ejen, kami berhak menerima fi wakalah sebagai caj perkhidmatan.

Tabarru'

Pelan ini juga menggunakan konsep Tabarru' (derma), di mana para peserta bersetuju untuk menderma atau menyumbang sumbangan mereka kepada Dana bagi tujuan saling membantu dan menolong mana-mana peserta lain yang memerlukan bantuan berdasarkan peristiwa yang telah dipersetujui terlebih dahulu. Pada akhir setiap tahun kewangan, sebarang lebihan dalam Dana, tolak pembayaran balik defisit bersejarah dan peruntukan luar jangka, dan tertakluk kepada polisi lebihan yang diluluskan oleh Jawatankuasa Syariah kami, 50% akan dikongsi antara peserta yang sijilnya belum ditamatkan dan yang belum membuat tuntutan dalam tahun kewangan, dan 50% kepada kami kerana mengendali dan menguruskan Dana, berdasarkan kontrak Ju'alah. Ju'alah ialah kontrak ganjaran yang menentukan pengagihan perkongsian lebihan. Jika lebihan itu kurang daripada RM10.00, lebihan itu akan dimasukkan ke dalam tabung kebajikan yang akan digunakan sebagai 'Amal Jariah' bagi pihak peserta. Tabung kebajikan akan diagihkan kepada penerima yang layak sebagaimana yang diluluskan oleh Jawatankuasa Syariah kami untuk tujuan kebajikan.

3. Apakah perlindungan/manfaat yang diberi?

Berikut adalah manfaat-manfaat Takaful PesonaLady:

No	Manfaat-manfaat	Jumlah perlindungan (RM)
1	Kematian akibat kemalangan	100,000
2	Ketidakupayaan kekal	Sehingga 200,000
3	Tunai Ihsan	2,000
4	Kanser wanita	20,000
5	Kematian akibat komplikasi bersalin	20,000
6	Pembedahan rekonstruktif muka atau rawatan pergigian akibat kemalangan	Sehingga 10,000
7	Tunai ihsan akibat ketidaksuburan akibat kemalangan	10,000
8	Elaun kemasukan ke hospital akibat kemalangan	100 sehari, sehingga 10,000
9	Perbelanjaan perubatan akibat kemalangan	Sehingga 5,000
10	Pembedahan kulit akibat kemalangan dan/atau kelecuman	Sehingga 5,000
11	Yuran ambulans	Sehingga 500
12	Penculikan	Sehingga 30,000
13	Ragut	Sehingga 1,000
14	Perlindungan pengeluaran tunai mesin juruwang automatik	Sehingga 1,000
15	Tunai Ihsan bagi keganasan rumah tangga	500
16	Bonus kemakmuran keluarga bagi kelahiran anak kembar dua atau lebih	1,000

Nota:

- Ini adalah sijil takaful yang diperbaharui secara tahunan dan sumbangan boleh dibayar secara bulanan atau tahunan.
- Sila rujuk sijil takaful untuk maklumat lanjut berkenaan manfaat-manfaat di atas.
- Manfaat-manfaat yang dibayar di bawah produk yang layak adalah dilindungi oleh Perbadanan Insurans Deposit Malaysia (PIDM) sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi kami atau PIDM (layari www.pidm.gov.my).

4. Berapakah jumlah sumbangan yang perlu saya bayar?

Umur (tahun)	Sumbangan Tahunan (RM)	Sumbangan Bulanan (RM)
18 - 40	255.00	22.50
41 - 60	475.00	42.00
61 - 70	475.00	42.00

- Pembaharuan sijil adalah tertakluk kepada umur 61 ke atas sehingga 70 tahun, dengan syarat bahawa kami berpuas hati dengan tahap kesihatan anda. Pembaharuan sumbangan adalah berdasarkan kumpulan umur 41 – 60.
- Kadar sumbangan adalah tidak dijamin dan mungkin akan dinaikkan atau berbeza semasa sijil diperbaharui, berdasarkan kepada pencapaian usia lima puluh satu (41) tahun atau pengalaman tuntutan portfolio Pengendali Takaful di dalam perniagaan ini.
- Sumbangan boleh dibuat secara autodebit daripada akaun pilihan anda (semasa/simpanan/kad kredit) mengikut kaedah pilihan anda, sama ada bulanan atau tahunan.
- Semua sumbangan (jika terpakai) akan tertakluk kepada caj-caj atau cukai-cukai yang berkenaan, sebagaimana yang dianggap perlu oleh pihak berkuasa cukai Malaysia. Adalah penting untuk anda menyimpan apa-apa resit yang anda terima sebagai bukti pembayaran sumbangan.

5. Apakah bayaran dan caj yang perlu saya bayar?

Jenis	Amaun
Fi Wakalah	45% daripada sumbangan termasuk: <ul style="list-style-type: none"> • 25% komisen dibayar kepada bank • 20% perbelanjaan pengurusan
Cukai Perkhidmatan	8% daripada sumbangan
Duti Setem	RM10.00

6. Apakah terma- terma dan syarat-syarat penting yang perlu saya ketahui?

Keputusan pendedahan

- Menurut Perenggan 5 daripada Jadual 9 Akta Perkhidmatan Kewangan Islam 2013, jika anda memohon takaful ini sepenuhnya untuk tujuan yang tidak berkaitan perdagangan, perniagaan atau profesion anda, anda mempunyai kewajiban untuk mengambil langkah yang munasabah untuk tidak salah nyata dalam menjawab soalan-soalan di dalam Borang Permohonan (atau semasa memohon takaful ini). Anda dikehendaki menjawab soalan-soalan dalam Borang Permohonan ini dengan lengkap dan tepat.
- Kegagalan untuk mengambil langkah yang munasabah dalam menjawab soalan-soalan, mungkin mengakibatkan pembatalan kontrak takaful anda, keengganan atau pengurangan ganti rugi, perubahan terma atau penamatan kontrak takaful anda.
- Kewajipan pendedahan diatas hendaklah diteruskan sehingga kontrak takaful anda dimeterai, diubah atau diperbaharui dengan kami.
- Sebagai tambahan kepada soalan-soalan di dalam Borang Permohonan (atau semasa memohon takaful ini), anda dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan.
- Anda juga mempunyai kewajiban untuk memberitahu kami dengan serta-merta jika pada bila-bila masa selepas kontrak takaful anda ditandatangani, diubah atau diperbaharui dengan kami (atau semasa permohonan takaful ini), apa-apa maklumat yang dinyatakan dalam Borang Permohonan tidak tepat atau sudah berubah.

Tempoh bertenang – Anda berhak memulangkan sijil kepada kami bagi pembatalan dengan syarat permohonan bagi pembatalan sedemikian diserahkan oleh anda kepada kami dalam masa lima belas (15) hari dari tarikh penghantaran sijil. Anda adalah berhak untuk mendapatkan pengembalian penuh sumbangan yang dibayar selepas ditolak perbelanjaan perubatan yang ditanggung oleh kami bagi pengeluaran sijil, sekiranya ada.

Tempoh Menunggu - Tempoh menunggu selama tiga puluh (30) hari selepas tarikh sijil berkuatkuasa adalah digunapakai sebelum orang yang dilindungi layak untuk apa sahaja manfaat seperti ditakrifkan pada jadual di atas, melainkan sebab kemasukan hospital adalah akibat dari kemalangan.

Penyakit Khusus - Tempoh menunggu untuk penyakit khusus adalah seratus dua puluh (120) hari dari tarikh takaful berkuatkuasa.

Bonus Kemakmuran Keluarga - Tempoh menunggu untuk manfaat bonus kemakmuran keluarga adalah sembilan (9) bulan dari tarikh sijil berkuatkuasa.

Kanser Wanita - Untuk manfaat kanser wanita, sebarang penyakit yang dilindungi yang didiagnos dalam masa seratus dua puluh (120) hari pertama tarikh sijil berkuatkuasa atau pengembalian kepada keadaan asal sijil tidak akan dilindungi. Dan juga, terdapat tempoh survival selama tiga puluh (30) hari dari tarikh diagnosis kanser wanita.

Bayaran Sebelum Perlindungan (CBC) – sumbangan hendaklah dibayar kepada kami sebelum tarikh perlindungan sijil dikuatkuasakan.

Tuntutan - jika berlaku kemalangan yang membawa kepada tuntutan, anda hendaklah memberitahu kami dalam masa 30 hari dari tarikh kemalangan itu berlaku.

Nota: Senarai ini tidak menyeluruh. Sila rujuk sijil takaful untuk senarai lengkap terma-terma dan syarat-syarat.

7. Apakah pengecualian-kecualian utama di bawah sijil ini?

- Penyakit sedia ada dan penyakit khusus;
- Keadaan congenital;
- Mencederakan diri sendiri dengan sengaja atau percubaan membunuh diri;
- Kemabukan akibat alkohol atau dadah;
- AIDS atau kehadiran sebarang HIV;
- Gangguan mental dan saraf;
- Komplikasi penyakit venereal;
- Menyertai pasukan tentera laut, darat, udara, polis, jabatan bomba atau yang lain-lain;

- i. Mengambil bahagian dalam pekerjaan berbahaya;
- j. Sebarang tindakan perang, mogok, rusuhan atau kekecohan awam, kontaminasi radioaktif atau nuclear dan tindakan pengganas; atau
- k. Mengambil bahagian dalam sukan dan aktiviti berbahaya.

Nota: Senarai ini tidak menyeluruh. Sila rujuk sijil takaful untuk senarai penuh pengecualian-pengecualian.

8. Bolehkah saya membatalkan sijil saya?

Anda boleh membatalkan sijil dengan memberi notis bertulis kepada kami. Atas pembatalan tersebut, anda boleh mendapat kembali sebahagian daripada sumbangan dengan syarat tiada tuntutan telah dibuat sepanjang tempoh takaful.

9. Apa yang perlu saya lakukan jika maklumat perhubungan berubah?

Adalah penting untuk anda memaklumkan kepada kami tentang sebarang perubahan maklumat perhubungan bagi memastikan semua komunikasi sampai kepada anda tepat pada masanya.

10. Di manakah saya boleh mendapatkan maklumat lanjut?

Sekiranya anda mempunyai sebarang pertanyaan, sila hubungi kami di:

Etiqua General Takaful Berhad (201701025031)

(Dilesenkan di bawah Akta Perkhidmatan Kewangan Islam 2013 dan dikawalselia oleh Bank Negara Malaysia)

Aras 13, Menara B, Dataran Maybank

No. 1, Jalan Maarof

59000 Kuala Lumpur, Malaysia.

Nombor Telefon: +603 2297 3888

Nombor Faksimile: +603 2297 3800

E-mel: info@etiqua.com.my

Laman Web: www.etiqua.com.my

Pusat Perkhidmatan Kumpulan Maybank: 1300 88 6688

11. Lain-lain jenis perlindungan takaful kemalangan diri yang boleh didapati

Sila rujuk kepada cawangan kami untuk jenis perlindungan serupa yang ditawarkan.

NOTA PENTING:

ANDA DINASIHATKAN MERUJUK SKALA MANFAAT UNTUK KEMATIAN DAN HILANG UPAYA DI DALAM SIJIL ANDA. ANDA MESTI MELANTIK PENAMA DAN MEMASTIKAN PENAMA ANDA MENGETAHUI TENTANG SIJIL TAKAFUL KEMALANGAN DIRI YANG ANDA SERTAI. ANDA MESTI BACA, FAHAMI KANDUNGAN SIJIL TAKAFUL DAN HUBUNGI KAMI UNTUK MAKLUMAT LANJUT.

Maklumat yang disediakan di dalam helaian pendedahan ini adalah sah pada 01/03/2024.